

TENTAMEN

MEDICUM

DE

PODAGRA,


QUOD Deo duce & auspice Dei - Pará, in
Augustissimo Ludovico Medico Monspeliensi,
publicis subjiciet disputationibus,

AUCTOR,

DANIEL - JOANNES GALLO, ex Civitate
Smirna in Asia Minore, Liberalium Artium
Magister, & in Celeberrima Monspeliensi Uni-
versitate, jamdudum Medicinæ Alumnus,
die mensis Januarii, anni 1785.

PRO BACCALAUREATUS GRADU CONSEQUENDO.


Principiis obsta, fero Medicina paratur
Cum mala per longas invaluere moras. OVID.



MONSPELII,

Apud JOANNEM MARTEL, NATU MAJOREM, Regis, Occi-
taniæ Comitiorum, Universitatisque Typographum
Consuetum.

M. DCC. LXXXV.



ARGUMENTABUNTUR

N. N. D. D. PROFESSORES REGII.

N. D. JOANNES-FRANCISCUS IMBERT , *Cancellarius & Judex.*

N. D. PAULUS - JOSEPHUS BARTHEZ , *Cancellarius & Judex, Adjunctus.*

N. D. FRANCISCUS DE LAMURE , *Decanus.*

N. D. GASPAR-JOANNES RENE , *Pro-Decanus,*

N. D. ANTONIUS GOUAN.

N. D. FRANCISCUS BROUSSONET.

N. D. FRANCISCUS VIGAROUS.

N. D. JOANNES SABATIER.

N. D. JOANNES - CAROLUS DE GRIMAUD , N. D. BARTHEZ , *Coadjutor.*

N. D. HENRICUS LUDOVICUS BRUN, N. D. DE LAMURE , *Decani Coadjutor.*



OPTIMO, CARISSIMO
CONSOBRINO MEO
DOM. G. V. ZIMMERMAN,
DOCTORI MEDICO, CIVITATIS SMIRNENSIS
PRACTICO CELEBERRIMO.

CONSOBRINE CARISSIME,

*FAMA & honore tanto Medicinam exerces ;
ut nihil his gloriosius dari judicavi , ex inde
me ad Medicinam vertebam , ut splendorem*

quem in te mirabor , conarer assequi , sed heu
tardo pede ! Si tuum erat me indefinenter
favore , & amicitia persequi , meum etiam
est , omnes occasiones præripere , queis gratum
meum animum tibi manifestare possim , ami-
citæque pignus , quem in finem hæc tibi
offert ,

CONSOBRINE CARISSIME ,


Humillimus & obsequentissimus
Servus & Consobrinus ,
D. J. GALLO.



TENTAMEN

MEDICUM

DE PODAGRA.



§. I.

ARTHRITIS morbus est familiarissimus articularis nulli sexui parcens, sedem habet potissimum in articulo pedum, licet in omni existere possit, simul aut seorsim; si primum arthritidis generalis dicitur, si secundum particularis: varia nomina à loco affecto accepit; si pedes afficiuntur dicitur podagra, si manus chiragra, si coxendix ischias, si genu ghonagra, &c. Morbus iste apud Barbaros gutta audiebat, quia ex absurda hyppothesi ab humoris-cujusdam stillicidio in articulos facto dolorem oriri putabant, quo quidem nomine hâc gallicâ voce *goutte* indigitamus, notare nunc expedit, etiam si podagra vocabulum propriè de pedum dolore intelligatur, juxtâ tamen *Cratonem*, *Cardanum*, *Lucianum*, ab uno membro desumptâ appellatione pro omni arthritide podagra habetur: cum fieri soleat ut pedes ferè primò & frequentius hoc morbo corripiantur, & rarò cum alii articuli conflictantur, immunes sint; nos verò strictiori sermone utentes genericum nomen arthritidem nempè admittimus, de solâ podagrâ nobis agendum incumbit.

Hæc quidem podagræ tempora distinguenda veniunt , ut ex illis diagnosis facilius pateat , nempe tempus invasionis , exacerbationis , & declinationis. Sub primo tempore nulla ferè pressentione antecedente ingruit illa , nisi quod ventriculi cruditate aut apestia ad septimanas aliquot æger laboraverit , corporis interim intumescencia quasi ventosa , & gravitate quæ in dies augetur , donec tandem detonet paroxysmus , quem paucis diebus præit torpor , & quasi flatuum descensus per femorum carnes , cum affectione spasmodicâ tum etiam pridie paroxysmi appetitus voracior datur non tamen naturalis. Sanus lecto fomnoque committitur , secunda hora post mediam noctem excitatur à dolore pollicem pedis ut plurimum occupante , quandoque verò calcaneum , suram aut talum : hic dolor eum refert , qui ossium dictorum dislocationem comittatur cum sensu quasi aquæ tantum non frigidæ partis affectæ membranis affusæ ; mox sequitur rigor , cum horrore & febricitatione aliquali , vel saltem motus naturali concitacior : erodentes lacrymæ ex oculis effluunt , dolor autem hic primo remissior gradatim intenditur (pari passu rigor & horror recedunt) idque in singulis horis , donec tandem ingruat tempus secundum , sub nocte enim ad apicem pervenerit se ad varietatem officulorum tarfi & metatarfi , quorum ligamenta obsidet per bellè accommodans nunc tensionem violentam vel ligamentorum dilacerationem , nunc morsum canis rodentis , aliquandò pressuram & coarctationem exprimit ; ad hæc ita vivum exquisitumque habet sensum pars affecta , ut nec linteorum super incumbentium pondus , nec cubiculi à fortiori ambulatione concussionem ferre valeat. Hinc mille conamina sitûs , tum ipsius corporis , tum membri affecti mutatione assiduâ doloris sedationem incassum exambit ; quæ tamen non contingit antè horam secundam tertiamve matutinam (decurso scilicet nyctimeri spatio à primo appulsu paroxysmi) quo tempore æger post materiæ peccantis modicam digestionem , & distensionem aliqualem subitò à dolore respirat. Jam leni madore perfusus somno indulget , à quo evigilans , dolore multum imminuto partem affectam tumore recenter occupatam cernit. Intrà paucos dies alter pes eodem dolore torquetur , easdemque excitat tragœdias & tita suos percurrit paroxysmos ; non unquam etiâ ambos pedes in initio occupare potest. In paroxysmo urina pauca , coloratior est , quæ sedimentum rubrum , & quasi arenulis refertum deponit ; nec æger ut plurimum nisi tertiam potulentorum , quæ assumpsit partem per vesicam reddit , alvus item ad dictos ferè primos dies constipata est. Æger tremore & frigore corripitur , quibus succedit venarum turgescencia : tumor modò rubet inflammatorius nec-non valdè dolorificus , modò quasi

ædematofus, hinc nascitur genuina podagræ species, calidæ scilicet & frigidæ (alia adhuc divisio de quâ mox infra loquar.) Declinationis verò tempus habetur per dolorum mitigationem, excipit pedem affectum pruritus vix ferendus, maximè inter digitos, undè decidunt furfures, & pedes ipsi quasi ab epoto veneno desquamantur, & ad cutem deponitur materia, sicque solvitur morbus ordinario; in corpore vegeto & iis quos podagra rariùs invasit, diebus sæpè quatuordecim terminatur; in senioribus, atque iis, quos sæpiùs afflixit, duobus mensibus.

§. III.

Solemnis est divisio podagræ in hæreditariam & acquisitam, in regularem & anormalam: alii in calidam & frigidam, hæc ultima divisio ex tumoris indole (ut jam dictum) nec-non à juvantibus & lædentibus confirmatur; alii dividunt in universalem & subintrantem, in permanentem & contagiosam, licet hanc omnes Auctores non concesserint, cùm quotidie uxores cum marito podagræ decumbant, quin ipsæ afficiantur morbo.

§. IV.

Ægri tudines, quibus cum podagrâ cognationem habent, sunt; osteocopus & rheumatismus, ab hisce sic discrepat, 1^o. ab osteocopo, quod per periodos recurat, pressione augeatur dolor, præterea quod ossis mediam partem non occupat, sed solis epiphysibus, ligamentis, apponevrosibus assideat. 2^o. A rheumatismo, quod dolor longè sit acutior, & profundior carneasque partes afficiat. Utriusque morbi quandòque fit combinatio, ut videre est apud *Sauvages*.

§. V.

Circà hujus sedes, paucissimæ extant observationes, mirum fane! Primo intuitu nodum verò solvit *Illustr. Morgagnius*; arthritidis, inquit, cùm morbus sit divitum, rarissimè pauperum: horum autem non illorum cadavera anatomicis tradentur, quandò illorum sint incidenda viscera, quidem vix unquàm artus examini permittuntur; igitur quæ ipse duoque alii summi Viri *Lieutaud* & *Bonet* viderint exarare sufficiat, materiam cretaceam intrà membranas, & capsulas ligamenta res observârunt; *Bonet* & *Morgagni* quandòque tamen intrà solam articuli cavitatem, capsulas verò ab ipsâ vacantes reperiêre, hoc semper reperiit *Lieutaud*; quidquid sit, in articulis podagram degere, nemo quidem inficiabitur.

§. VI.

Censebat *Hippocrates* hujus morbi causam primariam esse bilem aut pituitam corruptam cum sanguine maritatam, alii Auctores utramque; hi causam alkaline defendebant, alii salinam; recentiores verò in de-

generatione quorundam succorum causam constituebant, multi verò hoc vitium in ultimâ coctione affirmabant, alii diathesim particularem defendebant; inter has, sententia de vitio secundæ coctionis probabilis videretur, si podagra non juvenes robustos & eos quibus certa bona fit digestio ingrueret, & ubi hæc totaliter læsa est nulla daretur podagra; Celeb. *Herissant* experimentis freti pro causâ podagræ primariâ terram ossium cretaceam acido solutam habemus, cum in urinis podagricorum eandem obtinuerit. Nonnulla tamen liceat dicere de theoriâ Clar. *Liger*, mucilaginem arguit tanquam causam primariam multisque experimentis ejus existentiam comprobare nititur; eam imprimis repetit à materiâ quâdam albescente quæ podagricorum sanguine innatat: nec crusta, nec fungus adsunt, ut apud pleuriticos hunc colorem sanguinis fibrosæ adscribit; theoriam mancarn esse facile vides. 1°. Materies illa albescens nihil aliud est, quam terra cretacea quæ non satis ab acido deturbata suspenditur. 2°. Pars sanguinis fibrosa gratuita, ea enim pars juxta *Chemicos*, est lympa animalis concretionis rudimenta moliens, ut membranas efformet vel ipsas corroborat; *Desaulx*, transpirationis suppressionem incusat. Undè ergò repetenda est causa? Diathesis peculiaris humorum à *Sydenhamio* admittitur, quia morbus iste dependet à caractere specifico, ut nulli ætati sexuique parcat, sanos & benè valentes, debiles & ægrotantes corripiat.

§. VII.

Numerosissimæ sunt causæ, quæ huicce morbo ansam præbent, hæ causæ deducuntur ex rebus sex non naturalibus: 1°. Plurimum cibus & potus conferunt; cibus quidem ex animalibus terrestribus per longum & largum usum valdè huic morbo natales dat, ideò canes, & animalia carnivora, ut helluones hæc afficiuntur, hic pertinent aromatica, & victus opiparus; ideò *Sydenhamius* observavit, quod divites & inertem vitam degentes, præ pauperibus & defatigatis afficiuntur hoc morbo. Vini & liquoribus spirituosorum potatores privilegio quasi afficiuntur, & dictis magis obnoxii sunt, undè Bacchi & Veneris filia salutatur à Poëtis podagra.

Λυσίμελῆς Βάχου καὶ λυσίμελῆς Ἀρροσίτης
 Γεννᾷ αἱ θυγαῖτερ λυσίμελῆς Ποδαγρᾶ.

2°. Venus immoderata, nam vires debilitat, enervat organa & quamquam dubium sit an prima vel secunda coctio læsa sit, & causam constituent hujus morbi, attamen videntur coctrices vires sub podagrâ languere; *Hippocrates* ait: *Ennuchi non laborant podagrâ*. Idem ait: *Puer non laborat podagrâ ante veneris usum*, *Baglivius*,
 satis

satis probavit quod intemperantia podagram causat , qui nostræ favet sententiæ.

3°. Otium & quies hujus mali fontes existunt : præcipuè apud illos qui per juventutem laboribus arduis dediti erant , dein verò ex fortunâ divites otiantur : nam si exercitia assueta non continuantur , quies hunc componit morbum , non per se , sed ex prægresso exercitio , quo cessante plethora humorum datur articuli in iis quasi enerves facti sunt , & ideò fluxionibus magis dediti. Melancholici , hæmorrhagiis assueti hipochondriaci podagræ obnoxii sunt : ast podagra apud hos vel ex suppressis fluxionibus dependens quasi alterius generis esse videtur , eadem signa ac regularitatem habet , aliam verò therapeiam desiderat ; *Hippocrates* ideò observavit , quod mulieres non laborant podagrâ nisi menses deficient , iisque restitutis ab illâ liberantur.

Præter memorata podagram causant , perspirationis suppressio subita vel diuturnior , vivida pathemata , erumnæ , vigiliæ , somnus longior vel cujuscumque evacuationis cohibitio , articulorum contusio , luxatio , fractura , balneationes frequentiores , plethora : *Ballonius* ait , quibus magna sunt viscera , & frequentes fuere hæmorrhagiæ dùm juvenes erant , ii podagræ propensi sunt , & ii quibus perrubra facies plethoram inculpate in promptu est , his adde causas , morbos qui podagram inducere solent , v. g. rheumatismum , scorbutum , luem veneream , rachitidem , febres vel continuas vel intermittentes , exanthemata , præsertim chlorosim apud mulieres , scæminas ac pueros aggreditur rarius hæc valetudo.

In quibusdam regionibus universim fermè grassatur , v. g. in Normaniâ , Britaniâ , Andegavenfi Provinciâ , apud exteros ut in Angliâ , in Sueciâ , &c. in aliis verò quasi ignota est veluti in Burgundiâ , & in Asiâ minori , &c. Podagræ paroxysmus regularis plurimum recrudescit verno & autumnali tempore ; quandò omnium maximæ aëris varietates contingere solent. Plures sapientes quàm fatuos , divites quàm pauperes hoc morbo affici observat *Sydenhamius* ; calculis excruciiari solent podagrici : qui à patre sene paroxysmis jam vexato originem ducunt , huic morbo magis obnoxii , minùs verò qui ab eodem patre antè insultus generatur. Licet hæreditaria observatur non necessariò filios inficit , quandòque nec patrem , nec filium divexabit , nepotem verò corripit immanius ; accidit pariter aliquoties ut hæreditaria primâ vice regularem non referat typumque , eò magis pertimescenda , cùm de ipsius existentia vix adsit suspicio.

§. VIII.

Podagra facilè cognoscitur , si æger tres quatuorve paroxysmos

passus fuerit sibi met ipsi fucum non facit ; difficultas in eo sita est , ut primi innotescant , memet enim fugit quâ insulsâ verecundiâ hæc incipiens valetudo , calcibus pedem lædentibus aliisque ejusmodi imputatur. Medicus inspecto circa partem affectam tumore vel inflammatorio , vel quasi œdematoso podagræ præsentiam arguere debet , ejus judicium transudatione partem irrorante confirmatur deficiente transpiratione ; quærat ab ægro , an dolor eodem tempore iisdemque circumstantiis exacerbetur : præter calidam & frigidam alia existit quasi media ; hujus enim dolores calidorum æquè ac frigidorum applicatione recrudescunt , rarissima verò undè ex albo tolletur , forsan de gradu pus minusve intenso intelligi potest ; pulsus , plenus explicitus , fortis in idiosyncrasia vegeta , accessum distantiam denotat.

§. I X.

Prognosis non est mali ominis generatim modo typum regularem servet , non facili negotio curatur hæreditaria ; si veteribus fides sit hæreditaria vix curabilis , minimè juxta quosdam , sed tantum mitiganda ; hæc opinio meritò quidem acriter oppugnatur à multis Auctoribus (1) qui curationes hæreditariæ podagræ obtentas referunt ; fatemur tamen hujus speciei curationem plurimis in circumstantiis quasi impossibilem videri ; difficilius curatur etiam acquisita , si altas radices egerit cujus paroxysmus simplex haud ægrè expugnatur : si semel iterum terve materies in articulos depluerit longè laboriosius. Ætas ægri optimè noscenda , in sene enim nulla fermè spes : contra verò in juvene in quo faustissima vaticineris ; an tumor calidus an frigidus maximè perpendendum prior non ita pertinax , nec dolor tam ferox , vigiliæ minus frequentes : si suppressis evacuationibus exercitio immoderato animi pathematibus , vel liquorum usui illegitimo supervenerit , nihil mali expectandum. Calli tophique concreti non sanantur juxta Hippocratem ; hanc prognosin dedit in hoc morbo : *Quicumque , aut senes sunt , aut circa articulos callos περιπορευματα habent , aut ærumnosè vivunt ac siccam alvum habent , hi omnes sani fieri non possunt humanâ arte ; qui verò juvenis est , & circa articulos nondum tophaceos callos concretos habet , & accuratè vivit & laboribus amans est , & alvum bonam habet ad obediendum , pro studiorum ratione , hic sanè , Medicum intelligentiam habentem nactus sanus fieri poterit* (2). attamen uti postea patebit , bonâ vivendi ratione , & oportunis remediis multum profici poterit

(1) Coste , & de Saulx.

(2) Predict. lib. 2. cap. 7. Charter , tom. 8. pag. 815.

etiam in podagrâ tophaceâ; *Sydenhamius* (1) testatur, se expertum fuisse quod exercitio longo, & quotidiano non tantum sese opponat generationi tophorum, sed etiam veteres & induratos solvat, modo non eò usque invaluerint: narrat tamen *Desaulx* se tophos curasse; si in podagrâ contingat luxatio difficulter sanatur, aut prorsus insanabilis est, ligamenta enim facta laxiora ad tonum nativum difficile revocantur: varices è contrâ multum profunt, scripsit *Avicenas*, *si podagricis supervenerint, solvitur podagra, quia* inquit, *humores ad articulos fluere consueti ad exteriores jam cruris partes derivantur.* (Quod ritè capias de materiei cretaceæ solutione), si in urinis fila alba innatantia quædam videntur, si dejectiones albidæ consistentiæ materiæ scateant, multum pariter boni autumes; plurimi eximiique practici urinas albidas crassissimas salubres observârunt: podagræ seminio hic color hæc consistentia debentur, aliis viis quandòque eliminantur, ut vomitu in primis acido, ut vidit *Martianus*: narium emunctione ut observabit *Sauvages*, &c. ab aliarum molestiarum iliade vindicat; Auctores optimæ quidem notæ contendunt vitalitatis longioris præsagium esse, quàm mortis principium, multa verò mala valet procreare nisi regularis perseveret. Igitur prognosis conficiendæ causa monitum esto podagram quæ suos periodos servare consueta si non revertitur, lethalius non rarò causam esse morborum: vide varietates ab illustr. *Musgrave*, diligentissimè collectas, tum per prophylaxin detrahatur, vel ad pedem derivetur, quod quidem valdè arduum, materia enim circà partes principes, pulmones veluti, cerebrum, intestina, &c. ut plurimum vagatur.

§. X.

Ubi quis podagra decumbit, levis non est momenti ad sequentia attendere: 1°. Ad idiosyncrassiam: 2°. Ad ortum à parentibus podagricis: 3°. Ad vivendi modum, aliasque causas pro catharticas quæ morbum induxerunt: 4°. Ad tempus ex quo vexatur patiens; inveterata enim sanationi magis refragatur. Hisce perspectis sic se ad curam accingat Medicus, sciatque quod therapeia variet pro variâ morbi causâ, pro variâ podagræ specie; si alomala est, regularis reddi debet, de hac tantum agemus, sub cuius variis temporibus, varia auxilia suppeditari debent: alia enim adhibenda sub ipso paroxismo, alia extrâ tempus paroxismi. Sub ipso paroxismo tria tempora notanda sunt; primum,

(1) *De podagra*, pag. 590.

quo eminet ; secundum , quo vexatur æger ; tertium , quo remittitur paroxysmus.

Quidam Auctores imminente paroxysmo suadent evacuantia , ut venæsectio , cathartica , & sudorifica , &c. Hæc præscribunt circa tempus quò symptomata præcursoria sese amant manifestari , ut circa tempus solsticii , equinoctii ; ast primò nunquàm adhibenda est venæsectio , nam cùm jam motus peculiare fiant sub hoc tempore arguitur & expostulatur materiei alicujus depositio ; celebratâ sectione tolleretur hoc commodum , perverteretur motus , fieret pejor irregularitas : quando enim depositio tephacea facta est , podagra necessaria est ; præterea facilè nobiliora organa petere posset ; ideò concludit Illustr. Professor hujus Licei D. *Vigarous* , imminente paroxysmo venæsectionem minimè celebrari debere , & ut ordinem sequamur à Clarissimo Professore propositum subjiciam examini eodem emetica. Imminente paroxysmo dantur nausea , vomitiones , quæ distinguenda sunt , an sit effectus imminentis paroxysmi , vel an ex ventriculi saburra , ut patet , v. g. crapula prægressa , &c. Si imminet paroxysmus expectationi indulgere debemus , si verò saburra datur , dato evacuantia ; ex dictis facile patet , quod sub tempore imminentis paroxysmi minimè evacuare , sed expectare debeamus , præsertim , si regularis est : interea tamen si æger est juvenis , robustus , plethoricus non nocet venæsectio spoliativa quæ tantum adjuvans est. Sub temporis vigentis paroxysmi , quæstio etiam movetur , an debeat & ratum sit remedia activa adhibere , an evacuantia superius memorata , an narcotica , & sub quali circumstantiâ ? Negativa est conclusio ; si podagra est molimen naturæ depurans corpus , & tunc , ut *Hippocrates* ait , *cocta non cruda nisi turgeant evacuare debemus* , & nihil movendum est nisi coctio peracta sit : si verò materies turgeret , ut patet ex tumore , rubore , dolore ; si æger juvenis esset , robustus , plethoricus : tunc una alterave venæsectio non noceret , quam priùsquàm instituas , benè observandum est , an materies morbifica deposita jam sit , ac fixa : si jam deposita est , & non amplius deponatur , in dicto juveni venæsectio institui potest : si materies vero morbifica est in instanti depositionis depuratoria , sectio quam maximè noceret ; & facile viscera vexari possent. Hæc est sententia Auctorum circa venæsectionem ; ast mihi videtur venæsectio hic mere institui ex Medici timore , qui naturæ conamina non satis cognoscit ut legere datur in thesi D. *De Loges* , condiscipuli & amici mei charissimi ; cum quo miror , quod in podagra venæsectio suadeatur , Auctores seipsos contradicunt , nam omnes summi Practici causam reducunt aut in læsionem primæ secundæve coctionis , vel ex peculiari diathesi à potu spirituofo , &c. aut coitu dependentem , quis in hoc casu venam aperiet ? Quomodo in priori dari potest plethora ,

si dictæ coctiones læduntur : ex quacumque causâ derivetur morbus constans observatio confirmat ; quod licet podagra olim plethoricum corripiat , talis tamen sub morbo non sit , cum coctiones longè antè morbi invasionem lædantur ; fermè remedium est empiricum ; an illi qui in omni morbo venam aperire volunt , venæsectione indigent , ut à venæsectionis præjudicio deliberentur , consulamus naturam , quæ non nisi locales exigit , ut applicatis hirudinibus , aut scarificationibus , quibus spasmus solvitur , & nulla timenda est repercussio , cum materies non fixa sit , quod dignoscitur ex tumore & varicibus in ejus circumferentiâ ; laudavit quidem celeberrimus *Hoffmanus* , cucurbitulas cum scarificatione , si singulis tribus mensibus dorso pedis applicarentur , dixitque quod insigne levamen in pluribus , atque etiam in seipso observaverit , qui non immunis fuit ab ejusmodi insultibus podagricis , licet benignioribus & non diù persistentibus ; Celeberrimus *Sthal* etiam plura exempla refert , quæ constat quod podagrâ liberati fuerint , aut saltem summoperè sublevati plures , factâ singulis noviluniis scarificatione in metatarsi sine suctione per cucurbitulas , solum lignea spatula fricetur usquedum è pede in aquam calidam collocato sanguis efflueret ; alios plures sanavit applicando hirudines ; in pluribus casibus Moxa optimo cum successu etiam adhibetur. Emetica & cathartica semper contraindicantur , nisi in primis viis vitium aliquod resideat , alias his malum augeretur , sed major datur quæstio , an narcotica debeant admitti , & si debeant , sub quo tempore , sub quo casu ? Narcotica nunquam dari debent si causâ morbi humoralis est , attamen si dolor intensissimus est , spasmus detur & irritatio , narcotica suademus parvâ dosi sed sæpius repetitâ. Celeberrimus hujus Licei Prodecanus admodum venerandus D. *René* , notandum nobis præbuit quod dentur quidam ægri , in quibus alta dosis laudani liquidi nullos edat effectus , quos tamen præstat opium minori dosi exhibitum quam ordinariò dari solet , & vice versâ. Quæritur an topica an oleosa ? Hæc nunquam adhiberi debent , nisi detur congestio fortis , topica verò emollientia , ut herbæ emollientes , cum micâ panis in lacte coctâ etiam præscribi debent : præcepta ergò *Sydenhamii* optima sunt , nihil adhibendum esse , si æger dolorem ferre potest , regula hæc est generalis summorum Practicorum ; diæta necessaria est initio , tantum aqua pulli , orisæ , &c. utatur æger : desinente morbo sensim diæta fortior conceditur.

Nunc quæritur an possit & debeat curari podagrâ ? Penitus extirpari non potest , attamen palliativæ tractare possumus ; juxta Clariss. Viros scopus curationis podagræ est , ut materies morbifica minuatur , ut illius depositio maturius adjuvetur , ut faveatur solutio : generalis therapeia

chiurgiæ , pharmaciæ & diætæ debetur. Venæsectionis , hic alias non datur indicatio , morbus iste tantum debiles & languidos vexat in quibus vires defunt , si venam secares anomala fieret , ingravesceret coctiones labefierent ; hanc igitur methodum quam *Clar. Lazërme* sequebatur noxiam putamus ; si aliqua evacuatio suppressa , revocanda est , ideòque hirudines ad anum applicari possunt : nota tamen ne hæc fiant , ac simillima sub tempore motus depurationis , alias materies mobilis facillè in alia migraret organa. Cathartica soluto paroxismo tanquam therapeia radicalis considerantur. *Morgagnius* enim observavit , quod quotiescumque alvus laxa aut soluta sit nunquam ingruat paroxismus , ex vice versâ fit contrarium , ideòque vult idem Auctor , ut æger omni die cathartica lenia ac parvâ dosi assumat , præsertim si sit melancholicus , vel hipochondriacus , vel saltem singulâ hebdomadâ se purget , sed ipsa miscela catharticum cum sodorificis palmam refert , hæc enim alvum laxamus , & sanguinem depuramus ; sudorifera verò sola hoc incommodum habent , iis enim augetur calor , rigor , solida exsiccantur metastasis fieri potest ; intercalari autem tempore pariter damnavit *Sydenhamus* calida sudorifera , ne per hæc materies podagrica nondum satis subacta , in artus vi detruderetur , sicque novus paroxismus excitaretur ante tempus , & invitâ naturâ. Quod autem non abhorruerit idem Auctor à talibus sudoriferis , quo lene aroma , multâ copia aquæ dilutum habebant , pater ex potu diætætico , quem podagricis , medio inter paroxismos tempore , sumendum suavit. Constabat enim ille radicibus chinæ , falsæparillæ , ligno sassafras , seminibus anisi , &c. (1). Stomachica ut specifica habita fuere , quia coctio læsa erat , ast his non nimis indulgendum est , nam vel ventriculus ex consuetudine se his facillè accommodat , ut ampliùs continuari non possint , vel calor adaugetur , nam illis qui tabidi & enerves sunt , vel acrimoniam humorum patiuntur , stomachica amara non dari debent , nisi præmissis catharticis : si verò prima aut secunda coctio læsa est , tunc dentur ; ideòque à multis Auctoribus radix gentiana commendatur præ primis kinakina , cum stomachicum sit , & quasi specificum contra omnes morbos periodicos , quorum dosis augenda est , cum ventriculus facillimè his se accommodet ; in temperamento pituitoso , ubi nec calor nec acrimonia datur , stomachica amara adhiberi possumus. Attamen ut radicalis obtineatur curatio , nullum datur potentiùs remedium , quam

(1) *Tract. de podagrâ* , pag. 585.

diæta vegetabilis, ac regimen acuratum, quæ sua incommoda etiã habent, etenim hæc diæta non omnibus convenit, debiles enim, ventis obnoxii qui viscositatem & frigus in humoribus habent, ex hâc incommoda haberent: si verò diæta vegetabilis necessario requiritur, addere possumus carnes juniorum animalium quæ magis ex vegetabili regno participant; si verò æger melancholicus est & hipochondriacus, cum hâc diætâ admisceantur remedia tonica. *Sennertus* inquit, cum ego olim articuloꝝ doloribus vexarer & varios de eâ re Auctoꝛes legerem; in eo omnes consentire animadverti in podagræ curatione, plus spei in bona diætâ, quàm in medicamentis ponendum esse. *Celeb. Lobb* (1) aliquot recenset casus, ubi tali diætâ utentes à podagrâ liberi manserunt non tantùm, sed & tophi podagrici sensim minuti, tandem omninò disparuerunt.

Diæta lactea etiã, quam maximè commendatur, per hanc enim plurimi saluti restituti fuere: ast æger debet appetere & digerere lac, nulla adsit in primis viis saburra, nullus calor internus, nulla febris; aliàs priùs febrem & alias causas debella, dein parva & fracta dosi lac præscribatur: similem diætã laudavit *Coste*, & utilitatem ejus in seipso expertus fuit. Frictiones siccæ artuum manè & vesperè repetitæ plurimùm valent, humores enim dissipant, & nodorum ac tophorum generationem prohibent; confidenter ausus pronuntiare *Philagrius* (2), quod solæ frictiones sufficiant his, qui etiã maximè circa diætã delinquant. Exercitium inter primaria auxilia pono, equitatio licet potior sit quàm curru vehi, ambo tamen utilia sunt, & in eorum frequenti usu esse debet æger; inter exercendum solummodò caveas ne aëri frigido ac humido nimium exponatur æger ac ejusdem vicissitudines fugiat: in aëre puro & temperato tùm ambulans, tùm quietus versetur; indusium laneum gerat, studiis non incumbat nisi in quantum expostulat conditio; cùm autem & litteratos homines summosque viros qui Reipublicæ gerendæ præsumt, toties excruciet podagra, monendi sunt, ut matutinas horas arduis rebus agendis impendant tantùm, hâc lege tamen, ut bihorium supersit exercendo corpori antè prandium. Pomeridianas horas ambulationi, rusticationi, &c. tradant vel gratis amicorum confabulationibus: vesperi nihil omninò tractant quod intentam mentis aciem postulet; somnus sit maturus & longus, ideo *Sydenhamus* sollicitè monet podagricos, ut maturè lectum pe-

(1) *De calculo & podagrâ, cap. xx. pag. 215, &c.*

(2) *Ibidem.*

tant, & surgant diluculo: veneris palæstram sæpius non frequentet, nisi uxoratus. Hæc omnia, si religiosè observentur, ægritudinem eradicandam fore speramus; sed prudentis Medici erit, non facilè promittere integram curationem, imprimis si vel morbus diuturnior, vel ætas jam proveciior fuerit: aliquando qui levem etiã paroxysmum sentiunt, penitus immorigeri redduntur, monita Medicorum spernunt, & in pristinum vivendi genus ruunt proni, omnino desperantes de curatione morbi; quam tamen spondere Medici possunt si ægri observare velint illa quæ jam dicta fuerint. Hic meus se sistit calamus! mens torper! quid ultra? Pauca tantum attingere volumus? Verum equidem est me ab hac celeberrimâ Universitate plurima accepisse ac tantum tenuia persolvere; ast Medicinæ Patres sapientissimi, perpendite legem, quæ inter vos, ac vestros philiatros datur. Magni enim amant plurima ac præclara porrigere & mutuis tenuibus contenti sunt, cognoscunt offerentium laborem ac vires! Laudanda voluntas.

FINIS